

on 24 June 2014



KOTA SAMARAHAN, 24 Jun – Seramai 453 orang calon lepasan STPM/Serataf telah menghadiri sesi temuduga untuk pengambilan calon pelajar program Perubatan UNIMAS bagi kemasukan sesi 2014/2015.

Temuduga tersebut sejajar dengan arahan yang dikeluarkan oleh Lembaga Perubatan Malaysia dan Kelulusan Senat Bil. 08/2013 Ke-128 bertarikh 29 November 2013.

Empat buah zon telah dipilih untuk temuduga berkenaan iaitu di Universiti Malaysia Sabah (Zon Sabah) pada 23 Mei 2014, Universiti Sains Malaysia, Kubang Kerian (Zon Pantai Timur) pada

25-26 Mei 2014, Universiti Putra Malaysia, Serdang (Zon Pantai Barat) pada 27 hingga 28 Mei 2014 dan Fakulti Perubatan dan Sains Kesihatan UNIMAS (Zon Sarawak) pada 30 Mei 2014.

Manakala temuduga bagi pengambilan pelajar Asasi UNIMAS telah dilakukan pada 5 hingga 6 Mei lepas.

Senarai nama calon yang berjaya di dalam temuduga tersebut akan dikemukakan kepada pihak Bahagian Pengurusan Kemasukan Pelajar (BPKP), Jabatan Pengajian Tinggi untuk penyelaran sebelum keputusan calon berjaya dikeluarkan pada 12 Ogos 2014.

Artikel oleh Sarena Haidir